

Ni Jose iti Daga ti Egipto

GENESIS KAPITULO 39-40

NI JOSE KET INLAKO DAGITI MANONGNA KAS ADIPEN. KALPASAN TI ADU NGA ALDAW A BIAHE, **NAKADANON** MET LAENGEN IDIAY EGIPTO.



ANIA, **POTIFAR**,
GATANGEM WENNO
SAAN?

**UBING KEN
NAPIGSA. SIGE,
GATANGEK.**

IDI AGANGAY, NI JEHOVA TINULONGANNA NI JOSE NGA AGBALIN
A NABALLIGI NGA ADIPEN ITI PAGTAENGAN NI POTIFAR . . .



NAGSAYAAT MANEN
TI INARAMIDMO,
JOSE!

PAGYAMANAN APO.
NI **JEHOVA** A DIOSKO
TI TUMULTULONG
KANIAK.

NASAYAATKA NGA
ADIPEN JOSE. SIPUD
IDI NAGTRABAHOKAN
KANIAK, TI DIOSMO
BEMBENDISIONANNAN
TI SANGAKABBALAYAK.

MANIPUD ITA,
SIKAN TI MAKAAMMO
ITI AMIN DITTOY BALAY
KEN ITI TALONKO.

NAGGUAPO A
TALAGA . . .

INALDAW A KASTOY TI IBAGBAGA TI ASAWA
NI POTIFAR KEN NI JOSE . . .

KAIDDAENNAK.

SAAN! ASAWANAKA
TI AMOK. IMPAAYWANNA
AMIN A KUKUANA
MALAKSID KENKA, ISU
A SAAN A MABALIN A
MAKIKAIIDDAK KENKA.
BASOL DAYTA
ITI DIOS!

MAYSA NGA ALDAW, IDI A NI JOSE LAENG
TI LALAKI ITI BALAY NI POTIFAR . . .

KAIDDAENNAK!

SAAN!
DAKES
DAYTA!

IDI NAGAWID NI POTIFAR, NAGULBOD NI BAKETNA KENKUANA.

... KEN GINANDAT
NI JOSE A KAIDDAENNAK.
NGEM **NAGRIAWAK** ISU A
NABATINA TI MAKINRUAR A
KAWESNA SA **NAGTARAY**
A RIMMUAR.

MASAPUL
A **MADUSA**
NI JOSE!

IMPAIBALUD NI POTIFAR NI JOSE . . .

NGEM NAGTULTULOY NGA
INAYWANAN NI JEHOVA NI JOSE.

MAYSA NGA ALDAW, NAKITA NI JOSE TI DUA A BALUD A DATI NGA AGTRABTRABAHO KEN FARAON NGA ARI TI EGIPTO.

APAY A NAKALIDLIDAYKAYO ITA?

NAGTAGTAGAINEPKAMI.

NGEM AWAN TI MAKAIBAGA ITI KAYULOGAN DAGITI TAGTAGAINEPMI.

NAKAKITAAK ITI TALLO A SARINGIT NGA AGPATPATAUD ITI UBAS. KALPASANNA, PINESPESKO DAGITI UBAS ITI KOPA NI FARAON SA INTEDKO KENKUANA.

MATULONGANNAKAYO TI DIOS A MANGAMMO ITI KAYULOGAN DAGITA. IBAGAYO KANIAK DAGITI TAGTAGAINEPYO.

ITI TAGTAGAINEPKO, AGSUSSUSUONAK ITI TALLO A LABBA A TINAPAY. NGEM DAGITI TUMATAYAB KINNANDA TI TARAON NI FARAON ITI MAKINGGATO A LABBA.

KAIPAPANAN DAYTA A TALLO NGA ALDAW MANIPUD ITA, AGSUBLIKANTO ITI TRABAHOM KEN FARAON. PANGGAASIM TA LAGLAGIPENNAKTO KEN IBAGAM KEN FARAON TI MAIPAPAN KANIAK AGSIPUD TA NAKIDNAPAK KEN SAAN A RUMBENG A MAIBALUDAK.

KAIPAPANANNA A TALLO NGA ALDAW MANIPUD ITA, IPAPATAYNAKA NI FARAON!

TALLO NGA ALDAW KALPASANNA, IDI KASANGAY NI FARAON, INAWISNA TI UMUNA A BALUD NGA AGTRABAHO MANEN KENKUANA. NGEM IMPAPATAYNA TI MAIKADUA A BALUD.

ITI PANAGLABAS TI PANAWEN . . . TI NAKALASAT A BALUD NALIPATANNA A DAKAMATEN KEN FARAON TI MAIPAPAN KEN JOSE. NGEM NALIPATAN KADI NI JEHOVA NI JOSE? MAKARUARTO PAY NGATA NI JOSE ITI PAGBALUDAN? PADAANAM ITI SUMAGANAD A NAILADAWAN NGA ESTORIA TI BIBLIA NO KASANO A NATULONGAN NI JOSE TI PAMILIANA—KEN TI MAYSA NGA INTERO A NASION!

ANIA TI MASURSUROTAYO KEN JOSE ITI DAGA TI EGIPTO?

APAY A NAGTULNOG NI JOSE KEN JEHOVA URAY ADAYO ITI PAMILIANA?
PAMALATPATAN: PROVERBIO 15:3.

APAY A NAGTARAY A RIMMUAR NI JOSE IDI SINULISOG TI ASAWA NI POTIFAR?
PAMALATPATAN: GENESIS 39:9.

NO NABALLIGITAYO WENNO ADDAANTAYO KADAGITI NAISANGSANGAYAN NGA ABILIDAD, ANIA TI RUMBENG A LAGLAGIPENTAYO?
PAMALATPATAN: GENESIS 39:3, 23; 1 CORINTO 4:7.